

Transkription von Urkunde HLK 1491a

Ort, Datierung: Lübeck, 1491-05-28

Signatur: Stadtarchiv Hansestadt Lübeck, Copiarius des Burgklosters fol. 37r

Wy brodere hinricus stoltzenberch prior Laurencius lebrade henriccj bonhoff de oldesten / Johannes
lesemester Georgius supprior vnde alle wy anderen vedere vnde brodere des closters / tor borch
bynne(n) lubeke predeker ordens bekenne(n) vnde betugen in crafft desses breues dat de / Ersame
Juncker herman bere vnde geske syne husfruwe seliger dechnisse myt vns begraue(n) / vor deme
hogen altare to lubeke gegeuen hefft vnseme closter vorbenomet . cc . m(a)r(c) lub(esch) dat synt / x
m(a)r(c) iarliker renthe de vns vns vornoge(n) wyl de Ersamen here her Johan bere pasce . v . m(a)r(c) /
vnde michahelis . v . m(a)r(c) so lange dat eme beleuet dat gelt by sick to beholdende iii effte iiij / yar
lanck effte lenger vnder der tyd mach syck dat closter vorseen en andere(n) wech antholedge(n)de /
myd sodamme bescede dat wy vnde vnse nakomelinge willen vnde scholen erer dencken late(n) / to
ewigen tyden wen wy der andere(n) selen dencken laten dede dechnisse myd vns hebben Vorder/mer
scole wy ene began wen ed syn yar tyd is des auendes myd vigilien des morge(n)s myd / selemissen
vnde na der selemysse salue regina myt der collecten van vnser leue(n) vrowen dyt / scal schen den
trent alle goddes hilligen Des sulue(n)gelyck scholen vnde willen began gesken / syne husfvrowen
woenner dat kumpt de dach des hilgen mertelers sancti valentini en dach / iiij effte v vor effte na nach
beqwemheyt der tyd Jtem des sulue(n) dages schal de prior de den ys / tor tyd geue(n) eyнем ytliken
brodere Junck vn(de) olt de yn deme closter ys ene(n) lub(esch) schyl(ling) yn syne / hant tho twen
tyden yn den beyden begencknisse wat dar ouer blyfft de prior yn des closteres / beste mach keren To
tuge allen g¹ vorgeschreue(n) stucken so hebbe wy endrachtlyken vnser closters yngesegel laten hengen
vor dessen breff anno d(o)m(ini) m^o cccc xcj^o vp de hillige(n) dreualdich(eyt) / aue(nde) /

¹ durchgestrichen